



Xana khompyutara yi tirha njhani?

Patricia Ndlovu

Pexels; Pixabay






Tikhomphyutara ti tirha hi vuxokoxoko lebyi vuriwaka switiviwa.

Switiviwa swi nga va hi xivumbeko xa maletere, tinomboro, swifaniso na mipfumawulo.



Loko u hoxa vuxokoxoko eka khomphyutara, u ngenisa switiviwa.

Ku tirhisa khibodo ya khomphyutara i ndlela yin'wana yo ngenisa switiviwa.



Hi tirhisa switirhi leswi ku ngenisa switiviwa
eka khomphyutara:

Khibodo (1)

Mawusu (2)



Hi tirhisa switirhi leswi ku ngenisa switiviwa hi xivumbeko xa mpfumawulo na swifaniso:

Mayikhirofoni (3)

Khamera (4)



Hi kuma na switiviwa kusuka eka khomphyutara.


Switiviwa leswi hi swi kumaka eka khomphyutara swi vuriwa awutiphutu.

Xipikara (5) na xikirini swi hi nyika awutiphutu.



Xikirini (6) xi hi nyika awutiphutu ya swifaniso, maletere, na tinomboro.

Swipikara na iyefoni swi hi nyika awutiphutu ya mipfumawulo.




Hadiwere i swiphemu swo khomeka swa khomphyutara; swiphemu leswi u nga swi khomaka.

Xikirini, khibodo, swipikara, mawusu, mayikhirofoni, na hedifoni hinkwaswo swi vuriwa hadiwere.




Khomphyutara yi lava sofutiwere ku va hi kota ku yi tirhisa.

Sofutiwere yi nyika swileriso eka khomphyutara mayelana na ku tirha hi switiviwa swo hambana.



Tiphurogireme na tiapulikhexini i swiphemu swa ti sofutiwere.

Xikombiso, u lava apulikhexini ya khamera eka riqingho ra simatifono ku teka swifaniso na tivhidiyo.



Loko u languta endzeni ka khomphyutara, u ta vona swiphemu switsongo swo tala leswi vitaniwaka swichipi swa khomphyutara.

Swichipi swa khomphyutara swi hlahluva vuxokoxoko ku endla leswaku yi tirha.

—Swivutiso

1. Xana vuxokoxoko lebyi nga endzeni ka khomphyutara byi vuriwa yini?
2. Khibodo na mawusi i switirhi na xikombiso xa...
3. Xana switiviwa leswi hi swi kumaka eka khomphyutara swi vuriwa yini?
4. Nyika swikombiso swimbirhi swa tihadiwere?
5. Sofutiwere i ncini?
6. Hlamusela tinxaka tihi na tihi tinharhu ta switiviwa leswi xikolo xi nga swi ngenhisaka eka khomphyuta.
7. Xana u fanele u endla yini leswaku ku tiyisisa leswaku khomphyuta ya wena ya ku tirhela?
8. Xana hi swihi swa kahle ka ku thayipa hi khomphyuta loko swi pimanisiwa ni ku tsala ephepheni?

Buku leyi i ya vumbirhi eka
ndzhandzelano wa tibuku ta mune leti
tivisaka tinhlokomhaka eka thekinoloji ya
khomphyutara.

Buku leyi ya xitori yi endleriwe va
phurojeke ya Zenex Ulwazi Lwethu ya
matheriyali yo hlaya hi 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Xana khompyutara yi tirha njhani?

Author/s: Patricia Ndlovu

Translator/s: Bongani Maluleke

Illustrator/s: Pexels; Pixabay

Assurer/s: Arnold Mushwana

Language: Xitsonga



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

